

# Xujun xi ma joho xi kits'inntu nda postru Jua

## B'i ts'in kikjaniñaha Jua xuta ninku

<sup>1</sup>An xi ndacháha xuta ninku títs'inkjínuu xujun jun xuta ninku xi j'ájinuu Ntíaná, xi tjona at'aha tintsubajían ni xi naxu tjín. Kò najmi tu nku an xi tjoho jun. Kò ní ta tjoho jun ngayjee xuta xi ja mankjihin ni xi naxu tjín. <sup>2</sup>At'aha ni xi naxu tjín tjíñajin tehente animaná kò tu nku s'ejñajihinná tu nkjéhé ni.

<sup>3</sup>Katsjánuu kjuanda kò kjuajyu kò katuma nimaha jun Ntia Na'miná kò Nda Ntíaná Jesucristo xi Ntíhi Ntia Na'miná. Kats'intse'ejihinnuu ni xi naxu tjín kò kjuatjo.

## B'i ts'in tsakúya Jua nga n'etjáa xinkia

<sup>4</sup>Tsjo nkjún kamana nk'ie nga kkie k'ua xuta ts'ajun xi t'íncha ts'in ni xi naxu tjín, xi nkú ts'in y'ejña Ntia Na'miná. <sup>5</sup>Kò nd'ai já nts'ena, t'bankinuu nga b'i ngján n'etjáa xinkia. Ni xi t'bet'ánuu nd'ai, najmi as'ai t'béjñahá Ntíaná. Xi nkú níhi nga tuts'ihin ni kin'ekjóhoon ni xu'bi. <sup>6</sup>Kjuatjo 'mihí nga n'ee ni xi y'ejña Ntíaná. ¿Mí nihi xi y'ejña nga n'ee? Nk'ie nga n'etjáa xinkia, xi nkú ts'in kik'inyanuu nga tuts'ihin ni.

## B'i ts'in tsakúya Jua ni xi incha ts'in já maestru tsank'a xi tjín

<sup>7</sup>At'aha tjíma nkjún asuntee já tsank'a xi najmi ts'ínkjáhin nga yjoninte kik'a Jesucristo nga j'ai asunteei. Xi b'a títsu, kui xi t'banacha kò kui xi fi kontraha xi kits'in nibá Ntíaná.<sup>a</sup> <sup>8</sup>Chúhūun yjonuu tu xi najmi n'ekatsúnnyahanu ni xi y'entjei ajinnuu. Tsa chúhūun kui ni, n'ekjóhoon ngayjee ni xi kanénuu.

<sup>9</sup>Tu yáhani xi k'úesuhun ni xi tsakúya Cristo nga najmi basinjñajin ni xi kisakúyaha, kui xi najmi be Ntíaná. Tunga xi sjíñajin tehente ni xi tsakúya Cristo, kui xi be Ntia Na'miu kò Ntíu. <sup>10</sup>Tsa tjín xi kuichúsenuu kò najmi kuakúyanuu ni xi tsakúya Cristo, najmi tu

---

<sup>a</sup> 1:7 "Xi kits'in nibá Ntíaná" tsuhu ra "Cristo".

n'ekjóhooon ni'yanuu ko ta ndaha najmi tu suniñohoo. <sup>11</sup>At'ahq xi kjúaniñahq, kui xi t'ibasinko xuta xu'bq nga tífikondju xá ch'onk'uhun.

**B'i ts'in kits'inkje Jua xujun**

<sup>12</sup>Tjín nkjún sana ni xi xinnuu, tunga najmi mjehéna xujun k'uet'ánuu. Mjena kfíntsubek'únnuu ko kuinchjanijmíkonuu nga kuichusenuu, tu xi b'a ts'in tu xí tsjohó k'úéhená.

<sup>13</sup>Títs'ínkjinuu kjuasuniña xuta ninku xinkiu xi tjín ei xi Ntíaná ta j'ájihin.